

七三同治

長沙縣志

卷三十一

仙釋

長沙縣志卷之三十一

仙釋

儒者恥譚二氏至欲人其人火其書廬其居今

純陽呂祖仙師已於嘉慶九年

奏准列入祀典至若釋氏一宗則固

高宗純皇帝所惻然不忍廢者也伏讀

御製詩序曰有以沙汰僧道為請者朕謂沙汰何難即盡去之不過

一紙之頒天下有不奉行者乎但今之僧道實不比昔日之積習

有賴於儒氏辭而闢之蓋彼教已式微矣且藉以養流民分田授

井之政既不可行將此數千百萬無衣無食游手好閒之人置之

何處故為詩以見意云頽波日下豈能迴二氏於今亦可哀何必

長沙縣志卷之三十一仙釋

闢邪猶泥古謂資畫景與詩材大哉

王言恩同覆載二氏之教真不足以惑世誣民法苑珠林聊供詞人

藻繪已耳志仙釋舊小字

漢

智益姓吳本征蠻卒平生以獵釣為業得白龜食之獨身生

瘡潰爛痛苦號叫鬚眉手足皆墜落未即死乞於安南市

有僧見而哀之曰汝可迴心念大悲真言吾當口授若能精

進必獲善報卒依其言受之一心念誦後瘡痂漸愈手足指

復生遂削髮為僧於伏波將軍宅建精舍住持

晉

青蓮僧潭州門內街北青衣寺有僧誦法華經時感二青衣

童子侍奉後死葬塚上生二蓮花看之乃自舌根生因建寺以青衣名勸善書云建興二年長沙縣西百里有青蓮花兩本生陸地掘其地丈二尺得二瓦棺蓮出棺破處剖棺視之有髑髏拴紫蓮根生齒閒說者云有僧誦蓮花經十萬部無疾而化遺言衣經服以瓦為棺即此也

按後漢後主有年號建興西晉愍帝亦年號建興通志府志編入蜀漢時舊志編入晉時今仍舊志

陶淡太尉侃之孫少孤好道餌靈草辟穀研易卜結廬長沙臨湘山一白鹿與居三白鶴常侍左右與姪鍊形尸解遺蠟俱存今榔梨市考東坡集云晉史隱逸傳陶淡字處靜太尉侃之孫也父夏以無行被廢淡幼孤好導養之術謂仙道

長沙縣志卷之三十二 仙釋

二

可祈年五十六便服食絕穀不娶家累千金僅客百餘淡了不營問好讀易善卜筮於長沙臨湘山中結廬居之養一鹿以自隨人有候之者輒移渡澗水莫得近州舉秀才淡遂逃羅縣埤山中不知所終陶士行諸子皆凶暴不獨夏也而諸孫中乃有淡曾孫中乃有潛潛集中乃有仲德敬通之流皆隱約有行義又皆貧困何也淡高逸如此近類得道者歟潛近親而潛無一言及之此又未喻也戊寅九月七日閱晉史偶錄之以俟知者儋州城南記此可為真人之證善化李奕贊附 神仙之說自古有之彭祖商容老聃蓬相授受更歷三代其象若於大易其法備於陰符班固可考也益萬物之生負陰而抱陽冲氣以為和道七竅鑿而神池死矣為仙術者有內丹以固其性情則太初為鄰有外丹以鍊其魂魄則金石不朽故獨得深根固蒂長生久視之道乃列莊之徒遂張大其說以與內聖外王之道相抗衡則過矣陶氏之先有

桓公者才足以克復神州力足以匡天下不幸而有志未伸然猶功在社稷澤被生民以故其後世每多賢裔若清節先生者雖列之古逸民中亦無愧焉吾鄉梨市有守節公人諱談字處靜與其姪鍊形尸解遺蠟尚存相傳以為桓公之後孫也夫以公侯世爵而辭榮脫寂豈有感於溫元裕之接履遂長往而不悔與蓋君子藏器於身必兼善天下而後不於志故靖節亦云如彼稷契不願為方外之學非得已也陳眉公云既為男子肩輿木屐俱厭漏盡英雄乃以神仙退步自談言乎願世俗徒以衡舉按宅之說相矜夸斯淺之乎為見矣子家去真人字二十餘里每曉遺像不勝慨然也夫

謹按陶淡於 國朝咸豐二年

敢封孚佑真人其姓名烜字太仁

敢封福佑真人

唐

長沙縣志卷之三十二 仙釋

三

法華禪師初住嶽麓清風峽建有石塔基址尚存後飛錫湘春門外接眾說法值異人願捨鐵造佛訪之乃衡山王神也師擲錫卓地得鐵數百鈞遂冶鑄佛三塔一名鐵佛寺隨還嶽麓示寂

緱仙姑入道居衡山年八十餘容色如少於魏夫人仙壇修香火十餘年孑然無侶精虔戒律壇側多虎皆馴服數年後有青鳥如鳩鴿紅頂長尾飛來語云我南嶽夫人使也以姑修道清苦獨棲窮林命我為伴他日又言西王母姓緱乃姑之祖聞姑修道勤至將有真官降而投道宜亟修廟每有人遊山必青鳥預說姓字又曰河南緱氏乃王母修道之故山又一日青鳥曰今夕有暴無害勿怖也其夕果有十僧人持

火挺刃將害仙姑入其室姑在牀上不能見果無害歲餘青鳥言應遷居因徙居湖南鳥亦隨之鄭畋自學士左遷梧州師事姑姑謂畋曰此後四海多難人閒不可久居吾將隱九嶷矣遂去

懷素姓錢字藏真陸羽撰云疏放不拘細行飲酒以養性草書以暢志酒酣興發寺牆里壁靡不書之貧無紙乃種芭蕉萬株以供揮灑又以漆盤一方書之未幾兩板皆穿自云得草書三昧棄筆堆積埋山下曰筆塚見陶補其自序曰懷素長沙人幼而事佛經禪之暇頗好筆翰然恨未能遠瞻前人之

奇跡所見甚淺遂擔笈杖錫西遊上國謁見當代名公錯綜其事遺編絕簡往往遇之豁然心胸略無疑滯魚鱗絹素多

長沙縣志

卷之三十二

仙釋

四

少塵點士大夫不以爲怪焉顏刑部書家者流精極筆法水鏡之辨詳在末行又以尚書司勳郎廬象小宗伯張正言曾爲歌詩故敘之曰開士懷素僧中之英氣慨通疏性靈豁暢精心草聖積有歲時江嶺之閒其名大著故吏部侍郎韋公陟賭其筆力勗以有成今禮部侍郎張公謂賞其不羈引以遊處兼好事者同作歌以贊之動盈卷軸夫草葉之作起於漢代杜度崔瑗始以妙聞迨夫伯英尤擅其美羲獻茲降虞陸相承口訣手授以至於吳郡張旭長史雖姿性顛逸超絕古今模楷精詳特爲真正真卿早歲常接遊屐蒙激昂教以筆法資質劣弱又嬰物務不能懇習迄以無成追思一言何可復得忽見師作縱橫不羣迅疾駭人若還舊觀向使師得

親承善誘函挹規模則入室之賓舍于笑適嗟歎不足聊書此以冠諸篇首其後繼作不絕溢乎箱篋其述形似則有張禮部云奔蛇走虺勢入座驟風旋兩聲滿堂虛員外云初疑輕煙淡古松又似山開萬仞峯王永州邑曰寒猿飲水撼枯藤壯士拔山伸勁鐵朱處士遙云筆下惟看激電流字成只畏盤龍走敘機格則有李御史舟云昔張旭之作也時人謂之張顛今懷素之爲也余實謂之狂僧以狂繼顛誰曰不可張公又云稽山賀老粗知名吳郡張顛曾不易許御史瑤云志在心奇無定則古瘦離離半無墨醉來信手兩三行醒後欲書書不得戴御史叔倫云心手相師勢轉奇詭形怪狀齷合宜人人欲問此中妙懷素自言初不知語疾速則有寶御

長沙縣志

卷之三十二

仙釋

五

史冀云粉壁長廊數十間興來小豁胸中氣忽然絕叫三五聲滿壁縱橫千萬字戴公又云馳毫驟墨列奔駟滿座失聲看不及目愚劣則有從父司勳員外郎吳興錢起詩云遠錫無前侶孤雲寄太虛狂來輕世界醉裏得真如皆辭旨激切理質元奧固非虛蕩之所敢當徒增畏愧耳時大曆丁巳冬十月二十有八日

慧朗一統志參馬祖有悟居招提寺時稱大朗又有振朗參石頭有悟居興國寺稱小朗皆長沙人

洪誼一統志普與數者宿至襄沔閱一僧舉論宗乘頗敏捷論說不已洪誼語曰參須實參悟須實悟閻羅大王不怕多惡僧拱而退

如通一統志周氏子曾為成都主簿後為僧晚居長沙在定
十四日人即其處而成室宇遂為寶應寺去至湘西人又從
之負不磨石為龍安寺柳宗元為之碑

尚顏楚風補長沙僧按紀事上人與陸龜蒙方干陳陶倡和
亦不名僧也齊已有寄尚顏上人册居詩云麓山南面橋

洲西

釋夷齊楚風補少從長沙雲蓋智禪師出家執事首座一日
乘舟罷齊問曰某聞首座所說莫曉其義伏望指示座諱諱

誘之便矣無著說這箇法逾二日遂有省座駭然後編參至
石門印契示寂云昨夜三更過急灘灘頭雲霧黑漫漫一條

拄杖為知已擊碎千山與萬山

長沙縣志卷之三十二 仙釋

六

齊已詩話潭州人與貫休并有聲同師石霜二僧唐之尤晚
者三詩如夜過竹林寺醉打老僧門最佳

宋

景岑一統志長沙人嘗言我若一向舉揚宗教法堂前須草
深一文事不獲已為汝諸人道舊志初住嶽麓為一世其後

居無定所但循緣接物隨宜說法時謂為長沙和尚太宗至
道三年示寂府志同本朝雍正十二年封洞妙朗淨禪師

按宋景岑禪師曾養靜於思古台至道本宋太宗年號通
志編入唐詩疑誤

洪蘊本姓藍父母初以無子專誦佛經生蘊年十三出家於

開元寺習方技書湯劑精至尤工診切後遊汴以醫術知名

太祖召見賜紫方袍號廣利大師咸平初補右街首座累轉
左街副僧錄

劉跛仙太平興國中人遇呂祖於君山得靈龜吞吐之法功

成歸隱嶽麓自號湘子常侍呂祖往來抱黃呂祖數遊城
下有詩曰我愛瀟湘境紅塵隔岸除南山七十二惟喜洞真

虛後有鄭思者遇跛仙於清泉門外相與俱仙去

慧覺禪師智度寺僧呂祖南遊韶郴下湘潭至江濱聞智度
寺慧覺禪師性源清潔與促席對坐謂曰師收光內照一稱

之外無餘衣一鉢之外無餘食達生死岸破煩惱殼方今佛
衣寂寂無傳禪理懸懸欲絕扶而興者其在吾師乎贈之偈

曰達者推心方濟物望賢傳法不離真請師開說西來意七

長沙縣志卷之三十二 仙釋

七

祖於今未有人有洞資殿
希白字寶月作書有晉人風度慶厯中嘗以酒化閣帖模刻
於潭之郡齋蜀人秦子明練兵長沙因買石摹寶月古法帖

十卷載歸黔江

濟川居士府志宋人也姓馮名楫少不娶妻刻志苦學遊上
庠中魁授給事身在仕途不忘佛學居龍門從佛眼授道常

宴坐不卧人以馮長老稱之隻身居官無家室童僕所得月
俸盡買梵書紹興中帥長沙俄報相知期以十月三日報終

至日令後廳設高座見客如平時日午夜冠望闕肅拜請酒
使攝郡事登坐而化

陳補府志號翠書博羅人以盤龍箍桶為生後得太乙刀圭

金丹法景霄大雷浪書能救病禱雨過盜殺之三日復甦遊
長沙衝帥節執送邕州獄數夕又回長沙中夜食水銀越宿
成白金以丹法授白玉蟾嘉定閒入漳水解去有葛縣尉在
甯鄉見之

周福縛竹為庵讀梵書不求甚解戒律精嚴以苦行為禪未
嘗剿竊語錄作野狐禪惡一日論其徒曰吾將火化入山拾
柴堆至五六丈許沐浴畢端坐其上其徒舉火咸為股栗福
朗朗誦經火益烈木魚不輟口授諸徒遇大旱可呼我名當
為霖以濟其後屢禱必應人於風雨中遙聞經聲木魚聲如
火化時嘉慶丁卯夏大旱官吏齋戒祈禱禁止屠宰七月七
日縣躬詣黑麋峯行香川編得道處詳山志與未入城甘雨隨之初十

長沙縣志

卷之三十二 仙釋

八

日雨如注涸者盈稿者起初鄉民迎請神牌設壇祈雨六月
之四日有嬰兒精悍而黝黑巡壇呼曰明日大雨眾不以介
意次日已刻遙望黑麋峯頂有雲觸石起頃之雷電交作白
鳥先行雨隨所至降宰殺如故者竟無雨後詢之各壇皆然
乃知為神佑云

按周福舊志未註何時人通志府志俱載宋時人或云明
萬曆時人未知孰是同治六年

勅封普佑真人

在菴府志幼穎慧梵經墳史過目不忘因亂棄功名落髮壽
隆山徧參名宿拈偈有得住錫長沙高峯寺大暢宗風巴陵
無等大梅松竹等處爭迎恐後後主智度平居運斧植土儼

樸無文及登壇樹拂出入百家懸河莫遏尤工吟咏俯視齊
已輩或曰其先通城人俗姓楊父伯先官武昌都閫幼喜佛
出家然其詩有日雲溪舊有家聲在則浙人也登鳴鳳臺詩
日秦檜孫枝猶有綠曹瞞臺榭不經秋其他寄感甚多則上
人必有所託而然也

梁野人名戴父兄業儒獨戴慕道得鉛汞修鍊術晝夜三
清殿夢金人丈餘提左手以一金錢按之戒曰汝欲錢但縮
左手於袖中隨取多寡寤覺左臂微痛隱有錢痕試果驗後
益放曠嗜酒遊方外十二年諸兄顏守廬州戴謁之顏見悲
喜飲之酒曰吾為邦伯弟藍縷令換衣冠戴曰山林風致惟
事內觀何索我形骸外即出寄旅邸醉臥夜半有錢聲主驚

長沙縣志

卷之三十二 仙釋

九

窺之無所睹且伺其出錢堆半壁上有書貽太守曰弟野人
不果奉辭惟冀珍重錢煩周恤貧乏仍遺所著做衣異香襲
人殆非世所嘗聞驗其去踪乘空而升不知所往

李開府志字碧眼師爾占和尚得嗣法住石霜寺能詩文
元

易公仙父老相傳居霧陽鄉影珠山下壯年時惟執畚修路
巖上鑄至治壬戌易公修路八字今尚存及老結茅官道旁
織草履易食有餘則以惠人不求直日負稗於坐旁焚之且
織且燒盛暑不廢人間輒以寒暑疾對如是數年晝夜不輟
一日稗煙不散結為白雲乘之而去今名其地為草鞋灣曰
易公仙後人立石屋祀之早年祈禱輒應

李公兄妹府志元時長沙縣五十七都人父老傳公與妹俱從周野仙學道精於養氣鍊形道成屍解今李公肉身建祠在水渡下有淵潭歲旱禱雨輒應一方賴之道光五年

勅封廣濟真人咸豐三年

勅封廣濟宣威真人其妹肉身建祠在石飛嘴名娘娘廟

按湖廣通志石飛亭仙女長沙李氏女生而能言自云麻姑化生宅後有飛來石年十二遊其下拾一桃食之遂不食人閒煙火構亭於石上日坐蒲團年三十六仙去肉身猶存有商張某過洞庭遭風覆舟忽一女子駕小艇救之張問從何來曰吾家長沙石飛亭昨來會湘君適見汝溺故亟援爾張心異之訪至石飛亭為立廟祀焉舊志未載

長沙縣志卷之三十二 仙釋

十

今查李真人妹遺蛻在萬壽都石飛嘴即府志所載娘娘廟也舊志載靈蹟庵亦註在萬壽都石飛嘴而湖廣通志載石飛亭想日久亭圯故仍稱為石飛嘴爾 又按仙女自道光以來迭顯靈異水旱蟲蝗祈禱輒應咸豐丙辰年粵匪回竄高橋勢將直下忽望石飛嘴一帶旗幟紛紜賊疑有備立即遁去居民乃安他如現身水陸軍營暗中默助起沈痾除巨寇不一而足廟前柱聯有江上息風濤力拯危舟春滿洞庭八百里雲中排甲馬脂寒巨寇福蔭長沙十萬家紀實也

明

向希升字曙菴溆浦人洪武初年來長沙止於新康都花山

嶺巖早求雨輒應後後土人建寺祀之 國朝同治三年

勅封普佑真人

釋明照楚風補字元鑑一字別山黃陂阮氏子早值亂離難髮為僧性高潔工詩文初住西園於茅坪湘潭諸處登講座後卓錫長沙龍泉寺與襄陽袁負利莫逆交著有衡嶽唱和諸詩及樑堂詩集

置真人名殄芥萬歷時人年七歲出家古華山寺後修真集龍山 國朝順治八年七月十三日集薪白沙河邊沐浴舉火端坐誦經風雷大作須臾身化是年八月肖像於集龍山寺祀之每遇旱年祈禱輒應同治六年

勅封溇護真人

長沙縣志卷之三十二 仙釋

十一

國朝

釋衍義號湛修原住長安薦福寺康熙癸亥卓錫溇潭寺時寺荒廢湛修一新之淡寂自如大闡宗旨王潞贈詩云湛公問道早光霽氣如春六字消長晝千秋上人綠莎侵砌古紅樹出簷新竹下叨清話高懷拂遠塵

僧寄壁彭氏子也幼誦佛經即會其旨既長工書畫喜吟咏袁子才枚取其淨壇風掃地清課月為燈之句刻入贛園詩話凡所駐錫處隨地易名居粵曰廣麓居衡曰衡麓居長沙之鐵佛寺曰湘濱寄塵又號八九山人常以琴棋書畫詩酒自娛與達官文士相酬唱晚遊吳復如聞客某將軍幕府無疾而化遂葬其地闖人題其碣曰楚南僧寄塵之墓

七四道光

寶慶府志

卷一四〇 國朝傳隱逸

寶慶府志卷第一百二十六

釋顯愚	釋溫和	釋燕居	釋無涯
釋妙宗	釋音可	釋溥良	釋寶臺
釋可度	釋醒開	釋眼石	釋智開
釋佛浪	釋如定	釋璵山	<small>方外目錄 以下方外傳</small>

釋觀衡字顯愚順天霸州趙氏子幼不茹葷稍長辭父母披羅出家初依清涼師空印澄公法席備參諸方得心印禪師於曹溪慈山禪師萬歷甲寅來邵陽於砥柱磯後肩一織席地趺坐晴雨寒

暑跬步不移衆異之郡人車大任即其地倡建一庵居之即今之五臺庵是也以佛法接人平實無棒喝習語住二十年資湘之士從者雲集已出遊荆湖諸寺末年由金陵欲還五臺以兵阻乃應三昧覺浪諸尊宿之請駐錫天界所在公卿縉素皆歸依稱為古觀音再來即所憩地建紫竹林戊戌五月示寂觀衡釋名而儒行為僧後履歸霸州省親卒終身哀痛甲申之變北向痛哭建七晝夜道場為烈皇資冥福其篤於君親如此所著有自訂年譜邵陽車以遵序顯師語錄二十卷其徒法璽刪定前有遂寧張仙根約庵道人施博兩序又有閉門語錄紫竹林集楞嚴金剛四依解諸書今邵人名其地為嵩山

釋溫和解字元理不知何許人初中進士後乃棄去從釋慈山披剃居數年有省崇禎時住錫武岡木坪山復移錫於永州進賢嶺最寶慶府志

卷第一百二十六

國朝傳隱逸

二十九

後住新寧高掛山楞嚴巖所著有四威儀說戲幻說衆稱為慈悲大師其弟子巨治叔燄徧照皆悟禪理

釋燕居四川人得心印於破山住錫武岡雲山勝力寺日以說法為事曰使天下衲子到此無論頑銅鈍鐵皆成利器自知死期謂其徒曰今夜八月十四大家賞月明日我將去矣至期果鳴鐘示寂

釋無涯住武岡雲山勝力寺萬歷中至京師召見賜紫衣復歸雲山靜參二十年偈云適性因求靜無懷謝是非大都日月事俱在目前機雲月管相與溪山足指歸八風吹不動真宰本無依坐化遺一螺鉢徑尺許注水其中經歲不竭能愈疾後為一俗子所破僧膠而合之不復驗

釋妙宗字三輪萬歷時居新寧龍宮巖苦行十年忽大悟遍參江

浙諸大知識後授黃州梅長公供養復入新寧卒於佛頂山

釋音可字元白武岡鄧氏子幼祝髮五臺庵為顯愚首座後遍遊

江浙所著有湧潭慧語錄一百二十卷海內稱元尊宿焉

釋溥良攸人以詩見知於邵陽王嗣乾嗣乾奇其才以湯休賈島

故事勸之不從謁顯愚於五臺庵久之辭歸名益著甲申後閉門

謝客年八十五卒有詩見沅湘耆舊集

釋寶臺崇禎時住新化之熊峯管中夜汲水虎踞井上臺為之說

戒虎首肯垂伏移時乃去

釋可度明末進士也不樂仕進遂祝髮居衡山數年有省新寧碧

雲寺僧延至寺說法繇流聽講者以千計

釋醒開四川吳氏子從釋語嵩披剃住錫於武岡膠田伏牛山解

冬偈曰今朝正月十五處處鳴鑼擊鼓世俗各逞豪風山僧放出

寶慶府志

水牯個個頭角崢嶸撞卻山前石虎引得彌勒呵呵笑倒日輪當

午且問彌勒到底何笑侍僧不能答又揮拂云若識平常心是道

達摩不是西天祖又云春纔盡夏又臨處處村歌樂太平杜鵑叫

醒名利客何必區區逐外尋

釋眼石邵陽黃氏子以勇力入伍崇禎癸未授千總遷四川守備

從劉承允迎桂王入武岡遷錦衣指揮從桂王轉徙兩廣至安隆

順治丁酉孫可望逼授以偽官遂逃入貴州西山從釋語嵩披剃

令參父母未生前語使守厨語嵩過厨見之曰汝何不作官來此

眼石答佛尚不為語嵩異之使司茶眼石以所疑質於語嵩語嵩

輒作偈不容辯眼石參究益力寢食俱忘一日挑水山谷閒語嵩

突以杖擊之水盡傾忽大悟以頌呈語嵩曰一椽迅雷震大地山

鳴谷應水傾潭滔天洪浪浸須彌拈得口拈打溼鼻語嵩頷之自

此語嵩弟子辨論皆為眼石所屈語嵩往夷陵命從醒開受法遂

與醒開樓綬率集福寺歲庚子正月眼石聞語嵩在德山將往謁

之醒集衆出源流拂子謂眼石曰此禍事都是爾招來今將轉托

大家報佛恩眼石不受醒開曰此奉語老人密囑非干我事眼石

不得已受之遂由武岡過邵陽至祁陽聞語嵩訪天童去止祁陽

天龍峯雲濟院居十六年卓錫武岡醪田伏牛山康熙十九年有

大帥駐軍山下居民欲避之眼石曰無恐山中自有活韋馱救爾

輩也已而三帥上眼石使數老僧迎之三帥悅如故相識請執弟

子禮稽首拜謝辭去眼石曰山僧有大佛事相托未識諸公允否

帥問之眼石曰此方黎庶久避雄師陷於猛等老幼轉死溝壑者

不知凡幾惟冀諸公大開慈憫格外施仁使彼百姓歸所則無不

感戴諸公仁山德海銜恩於再造矣豈非大佛事耶三帥合掌諾

寶慶府志

之於是數十里黎庶始得歸耕邵陽車无咎為作天龍眼師塔銘

互見宿將

釋知開不知何許人或云為明季顯官國亡遂隱於禪康熙初卓

錫邵陽西平一都漁溪寺已而厭其囂欲去土人挽留建龜峯庵

於金紫山以居之嘗閉門刺指血書法華經一部書法頗類鍾王

弟子世世寶之

釋佛浪名育明武岡岷王子也國亡投野素和尚祝髮住武岡楊

柳衝大貌山寺往參釋喇宗於四川喇宗令看萬法歸一語久之

有省復歸大貌說法著有語錄

釋如定岳州萬氏子明季官雲南鎮南知州鞫重犯治以重刑已

而悔之棄官從雞足山釋和雅披薙又參釋明得心印卓錫於武

岡岩雲峯

璵山和尚雲南雞足山人俗姓李殘明時達官也緬甸覆滅後挾其費來武岡爲雙峯山開山長老著有采藤歌牧牛歌等詩語多迷離沈痛細案之皆殘明時事也寺最宏麗不藉羣力所遺佛座供器多前明大內物不知其所自來也

寶慶府志卷第一百二十六終

寶慶府志

卷第一百二十六

著錄傳記

三十二

釋知海

釋定洌

釋音登釋知海釋寂知

釋悟微

釋如行

釋明鑑釋如行釋旋滿釋受

釋如理

釋宏

釋自省釋宏釋玫石

釋玉流

釋載月汝峯和尚和公

松石方外日錄以下方外傳

釋知海字慧山福建人得心印於馮山僧養拙養拙受法於五峯

學學天童之弟子也慧山從養拙居衡山養拙卒慧山繼主席僧

俗聽講者日衆有釋慈者即宏覺國師天童之弟子也

祖嘗召之入京率王公以下禮拜聽講

以慧山有道德自以為弗及以袈裟遺之移住邵陽龍山二年復

移荆竹坪功德寺卒著有語錄其弟子古梅與峯自有傳月堂千

如附見摭談

寶慶府志

卷第四百十

國朝僧釋

二十五

釋定洌字古梅邵陽人初為諸生後棄之出家得法於釋慧山詩

文皆有妙語住馮山數十年後演法於紫荊林參學者雲集皆同

其友寂知奉師命掃塔天童適宏覺國師再主是席受其語錄而

歸後寂知作馮宗拈古彙集定洌作序且為刊行

釋音登字超宗邵陽人幼受法於顯愚以為弟子中第一愚顯移

住雲居禪院超宗往候之臨別付偈曰邵陵相見許和親又到雲

居遠近尋今日眉毛同舊日劫前一點獨知音超宗歸結緣於萬

松戒行甚嚴雖時說法而力作不懈順治庚寅知府馮桓同知王

琦邵陽知縣楊演欽其行迎之住五臺年餘辭歸移住浮雲石所

著有萬松語錄其弟子鈍木亦得心印顯愚法嗣之在寶慶甚眾

自超宗鈍木後未聞有戒行尊嚴知慧出眾者又數傳至道光時

有僧嗣圭者能詩與郡人李恩拔鄒漢助善然於佛法未有所得

漢助贈之以詩有綺語無端破戒頰之句其他則行尤卑瑣有利

五嶽萬松二寺之產而爭住持訟於官者

釋寂知字與峯嗣天童密雲悟師五世孫也得法於慧山知海初

從馮山來新化住青岡村盤山康熙初移錫富溪村大梅山明熙

寺寺有玲瓏巖一夕虎踞其上時康熙三十五年三月八日也寂知撫之摩其頂

呼以大空虎若有喜色起舞踏空仍臥舊處呼其徒飼以水飯後

遂來去如常寂知自為詩寧鄉陶之典之采皆有和作縣人陳聖

銘有重修明熙寺記均見疆里記寂知性清潔而慧辨長於接引

以明季濟宗大闢湖南自馮山始而吳浙皆有尊宿收續宗門獨

馮山地處幽僻未經收錄實為缺典乃為馮宗拈古彙集一書而

其友古梅與新化陽文燭洞子皆有序定洌為慧山法嗣文燭則

寶慶府志

卷第四百十

國朝僧釋

二十六

元自臨濟至天童密雲悟師實當三十世高麗天童道場為宗門極

盛我五峯學嗣親為天童弟子又濟宗之三十一世元子孫也

明直居此山嗣是為始格再傳為慧山老人復乃新新顯域而

湖南最幽僻處過歷多親是以近年浙水吳山皆有其收續宗

之門終抱遺一宗未幾探錄老梅每念歲之月荒忽前於法語向人

世代其人於古公案中拈提微丁巳之夏獲之復商諸同志若而

拈拍貴使靈山慧命不致寂寂他未敢擅傳也康熙辛酉佛誕日馮宗

天童密雲悟師

五世孫寂知識

釋悟微不知何許人康熙初來住新化落伽庵或言其曾中進士

為達官嘗聯其庵云未入斯門早已相見了也既來此地不須更

問何如又贊自給小像云孤性寒麥枯木門庭冷落嚴霜點精金

成鈍鐵指東土作西方令人灰心迷知全無去住商量自家面目

也不識任他淡墨與濃粧見沅湘耆舊集

釋如行邵陽萬安里趙氏子性篤孝以母病焚指于觀音像前祈分母痛十指俱突一節母病尋愈又數年母卒遂削髮為僧禪機楚唄均非所長與同里徐公明募建余田橋又石馬江橋各長數十丈行人賴之

釋明鑑城步易氏子也俗名光成交通良早卒事母孝母病篤禱於天願不娶以贖之侍疾必躬親嫂與從子代其勞皆謝之母卒廬墓絕酒肉一日有虎咆哮墓側光成曰甯傷我毋驚我母虎踞蹠不去嘗哭母忘寢食從子茂文往餉之成但取米作粥拾木之腐者炊之人間之曰吾不以母故傷生也無朽木則不舉火有雷拔木乃復拾之如是者三年縣人將以其苦行請旌辭曰報本人子事也敢以此求名耶事遂寢既而兄欲攜成去曰吾聞南海大士能知十方三世吾欲往見叩母所在庶不負所生兄以子嗣我

寶慶府志

卷第百四十

國朝傳記

二十七

足矣不願歸也遂往宿古寺旁夜夢美女媚之覺而悲曰性根之薄一至此乎涕泣自責於觀音像前或有誦觀音偈者曰念念觀世音何必別求南海光成曰命之矣遂披薙戒法於覺古山釋慧林慧林字之曰明鑑居久之歎曰暮鼓晨鐘究不見大士果足了吾願乎遂入金紫山山百里無人跡明鑑披草臥其中獵者以為怪將刺之迫而知其人乃止如是數年遂大悟嘗大雪滅火鑑命犬銜火具至山下取之有獵婦隨犬跡之似不舉火數日者婦遂率獵人羅拜之為之立寺於是鑑名噪於縣中一日晨炊見夾中有蒼嶺登峯嘆曰吾師死矣已而計至鑑哭之甚哀歲大旱鄉人延之禱雨鑑曰萬一不得雨奈何歸祀於山兩大沛鄉人德之留住覺古山有將燈舍者其父病疽往叩鑑鑑曰病不問醫乃問老僧耶及歸家父病悉愈燈舍與之語輪迴事鑑曰非禮勿視勿言

一二殿之形也向善背惡一心主之十殿之轉輪也康熙戊戌十月卒饒開生為之作傳見疆里記

釋旋湛字山樗邵陽西平二都大富坪孫氏子博通經藏順治初參楊州僧鐵帆於石塔寺有省鐵帆授以袈裟及桂枝拂子住江西槎水寺移住邵陽萬松嶺山青蓮五臺諸寺卒於衡州西山與縣人車以遵車萬育善著有西山語錄金剛要言心經指寶訓合珠摩松堂詩集清磯雪獅子詩百首以遵為序行之旋湛工為詩字尤遒逸詩三首見沅湘耆舊集有釋受者字斷愚不知何許人居妙月庵著老婆舌引集一卷頗有所悟

釋如理不知何許人幼祝髮參釋慧嚴嚴令究本來面目語無所得遂辭去遍參海內知識且十年將復謁慧嚴途次忽有省已至嚴問手中所持何物曰如意問持此何為曰觀而相承曰觀何

寶慶府志

卷第百四十

國朝傳記

二十八

物曰海底泥牛吐月華嚴曰汝因緣在武岡古來之所在也如理辭去行脚至武岡問程士人答曰來來嶺如理遂止山上眾爭出贊建寺以居之

釋宏字野如聲隱之弟子也行脚至武岡高沙市見治水自流而鐘聲自叢林中出忽有省曰不向見聞中覓道離卻見聞亦無所謂道遂募建鐘澹寺居之

釋自省不知何許人幼受法於釋頑石內典淹通遍參天下知識行脚至武岡石江遂建茅庵於平底村終日梵誦其中

釋致石武岡張氏子初從梅樹寺釋壽披薙後參釋靜於天童寺問無夢無想主人在何處靜印以其語答之致石大悟便拜之韻曰何所見而拜我曰今日始知痛癢處曰纔受和尙一掌遂呈偈曰親受一掌便知痛癢虛空紛碎雲散月朗靜然之遂授記住姚

江東山廣教寺

釋玉流字性通邵陽田氏子慕神仙術年三十遂棄家披薙入望雲山夢遇盧慧授以修煉術玉流遂能韻語知未來事新化疫玉流以木缸盛水飲之皆愈或聞之官欲以妖術置之法玉流歷述其陰事知縣大驚謝以金不受卒於金鳳庵士人置像祀之祈禱甚靈

釋載月新化人住大梅山明熙寺淹通內典於書無不讀能韻語有伏虎巖未了子集稿知縣海寧周樂清聞之延至署問曰師名載月能載月幾許答曰滿船都是月細認渾無痕樂清曰既是無痕載他何用答曰常得清光在因知不二門道光二十五年卒詩選入沅湘耆舊續集

汝峯和尚新化人失其姓或云楊氏子曾隸於學爲弟子員以家

寶慶府志

卷第四十

國朝傳記

二十九

難出亡薙髮爲僧住辰谿其妻跡至之拒不見也與善化湯蟠兄弟友詩篇唱和甚多見沅湘耆舊續集有木公和尚者邵陽人見永明蔣雲寬近遊綴錄

松石新化橫陽山寺僧也曾出百金砌石橋於鵝塘東江上復與段起玲修其境金鎖橋凡用工二萬許費白金二千兩有奇出納簿算皆松石主之負運米糶其勞尤甚見起玲橋記

這廣東



七五道光一廣東通志 卷三二八、三二九 釋老

廣東通志卷三百二十八

列傳六十一 釋老一

惠照	惟儼	惠能	支法防	迦摩羅	求那跋摩	三藏法師	菩提達摩	杯渡	靈鷲	貞俊	智藥	跋多羅三藏	景泰	愷法師	惠越	僧璨	法善	契虛	吉藏	休咎	義淨	圓覺	惠能	法海	志誠	法達	神會	智通	志徹	志道	石頭	定慧	峴多三藏	道廣	本靜	一行	黃雲元	乾末多羅	惠明	歸南	惠懿	元慧
----	----	----	-----	-----	------	------	------	----	----	----	----	-------	----	-----	----	----	----	----	----	----	----	----	----	----	----	----	----	----	----	----	----	----	------	----	----	----	-----	------	----	----	----	----

惠照	惟儼	簡師	賢通	金剛仙	惠愨	小釋迦	契公	了拳	真教	如敏	善會	廣悟	文偃	寶性	子祥 禪想	師簡	廣南僧	聰公	贊聖	麥祖用	圓禪師	阮道者	賓公	行宣	梁道者	雲達	惠林	道隆	重辯	福靜	卓契順	芝上人	祖堂	德欽	僧德	祖心	惠洪	祖泰	大峯	大慧	宗杲	琮師	善清 生佛
----	----	----	----	-----	----	-----	----	----	----	----	----	----	----	----	-------	----	-----	----	----	-----	-----	-----	----	----	-----	----	----	----	----	----	-----	-----	----	----	----	----	----	----	----	----	----	----	-------

和靖	晞暉
法廣	祖演
普通	神定
妙應	了玟
死心	來邈
瞻巴	佛功
古溪	清一叟
月林	湧東海
曇觀	慧顯
真空	祖所
德清	古圓
函可	十力
晦杲	栖壑
石洞	崇範
性顯	阿顛
澤萌	幽冥
語山	行森
海德	空隱
元亮	函是
阿字	今回
卽覺	今辯
今壁	今佛

今端	今龍
今錫	今沼
今覲	今楮
今存	今毬
李成憲	古詮
古電	古義
古易	古檜
成鷲	趙棠
許道人	蔡公
黃道姑 <small>已上釋</small>	
迎摩羅者梵僧也以太康二年自西竺來於城中	
建三歸王仁二寺今其故址猶存 <small>黃志</small>	
支法防晉沙門也哀帝時人同袁宏登羅浮山訪	
單道開石室見其形骸具在燈火瓦器尚存羅浮	
向屬仙山釋教之興始此 <small>羅浮山志會編</small>	
三藏法師雲摩竭國僧也安帝隆安間至廣於	
城西虞翻苑創梵刹曰王園寺 <small>黃志</small>	
求那跋摩累世爲王年十四便機見佛達年十八	
相工見而謂曰君年三十當臨大國南面稱尊若	
不樂世榮當獲聖果至年二十出家受戒乃辭師	
違衆林棲谷飲遯跡人世元嘉初文帝知跋摩已	
至南海于是勅州郡合資發下京路由始興經停	

歲許始興有虎市山峯嶺高絕跋摩謂其髣髴蒼閣乃改名靈鷲于山寺之外別立禪室去寺數里磬音不聞每至鳴椎跋摩已至或冒雨不落或履泥不濕時道俗莫不肅然增敬寺有寶月殿跋摩于殿北壁自畫羅漢像乃作定光儒童有布髮之形像始成之後每夕放光此山本多虎災自跋摩居之晝行夜往或值虎者以杖按頭戲之而去於是山旅水賓去來無梗嘗於別室入禪累日不出寺僧遣沙彌候之見一白獅子緣柱而立且室彌漫生青蓮花沙彌驚恐大呼往逐獅子豁無所見後文帝重勅觀寺等復更敦請乃汎舟下都以元嘉八年正月達于建業文帝引見因問曰弟子常欲持齋不殺不獲從志法師既不遠萬里來化此國將何以教之跋摩曰大道在心不在事法由己非由人且帝王與匹夫所修各異匹夫身賤名劣言合不威若不克己苦躬將何爲用帝王以四海爲家萬民爲子出一嘉言則士庶咸悅布一善政則神人以和刑不天命役無勞力則使風雨適時寒暖應節百穀滋繁桑蔭鬱茂如此持齋亦已大矣不殺亦已衆矣詎在闕半日之殞全一禽之命然後方爲宏濟耶帝乃撫几歎曰夫俗人迷于遠理沙門滯于近教迷遠理謂至道虛說滯近教則

拘攣篇章至如法師所言真謂開悟明達可與言天人之際矣乃勅住祇洹寺供給隆厚太平御覽杯渡不知姓名嘗乘木杯渡水人因而爲號初在冀州不脩細行嘗寄宿一家有一金像杯渡竊而去家主覺而追之見渡徐行走馬逐之不及至孟津浮木杯於水憑之渡河不假風棹輕疾如飛俄而渡岸達于京師有齊諧者其妻胡氏病衆治不愈後請僧設齋有僧勸迎杯渡至一咒卽愈齊諧伏事爲師因作傳記其神異元嘉三年九月辭詣入東行至赤山湖患病而死諧接屍還葬覆舟山至五年三月杯渡復來齊諧家須臾門外有一僧喚渡渡便辭去云貧道當向交廣之間不復來也齊諧等拜送慙慙于是絕跡不至頃世亦言時有見者高僧傳舊志云渡嘗以杯渡海憩湖屯門山後人因名曰杯渡山復駐錫靈渡山山有寺亦名靈渡廣師蔣之奇云元嘉中杯渡嘗來赴齊諧家便辭去云貧道去交廣之間予是以知杯渡至此不誣有詩并序刻于山巔乾和中靖海都巡檢命工鐫其像于杯渡山志苦提達摩大師者南天竺國香至王第三子也姓刹帝利本名菩提多羅後遇二十七祖般若羅多至本國受王供養知師密迹謂曰汝于諸法已得